

BOSNA I HERCEGOVINA

БОСНА И ХЕРЦЕГОВИНА



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0020077 21
Sarajevo, 30.12.2021. godine

**SUD BOSNE I HERCEGOVINE
SARAJEVO
- Sudiji za prethodno saslušanje -**

Na osnovu člana 35. stav 2. tačka i) i člana 226. stav 1. Zakona o krivičnom postupku Bosne i Hercegovine, p o d i ž e:

O P T U Ž N I C U

PROTIV:

■ **OGNJEN MUHAREMOVIĆ**, zv. „Ogi“, [REDACTED] rođen
07.10.1985. godine u Sarajevu, [REDACTED]
[REDACTED]
[REDACTED]
[REDACTED]
[REDACTED]
[REDACTED]

■ **SLOBODAN SAMARDŽIJA**, zv. „Šole“ i „Babo“, [REDACTED]
rođen 09.06.1988. godine u Sarajevu, [REDACTED]
[REDACTED]
[REDACTED]
[REDACTED]
[REDACTED]

Što su:

U dužem vremenskom periodu od 2011. godine do kraja 2017. godine, na području Bosne i Hercegovine, dobrovoljno postali pripadnici Grupe za organizovani kriminal u smislu člana 1. stav. 22. KZ BiH, koja je radi kontinuiranog sticanja materijalne koristi organizovana radi prethodno planiranog i dogovorenog: otuđenja skupocjenih putničkih motornih vozila ili onih čija je potražnja na tržištu povećana; iznudivanja novca za povrat vozila njihovim vlasnicima; rastavljanja otuđenih vozila u dijelove, izmjene ili uništavanja identifikacionih oznaka na rastavljenim dijelovima, a potom prodaje tako rastavljenih dijelova, sve s namjerom prikrivanja krivičnog djela, izvršilaca, porijekla predmeta i njihovih pravih vlasnika; te krijumčarenja i prodaje otuđenih vozila na teritoriji Republike Srbije, Republike Hrvatske i Crne Gore, pri čemu su u strukturi Grupe kao njeni pripadnici, zavisno od mjesta boravka njenih pripadnika bili podijeljeni u više grupe u sastavu od tri i više pripadnika, koje su djelovale i vršile krivična djela na teritoriji oba entiteta i više kantona unutar Federacije Bosne i Hercegovine, od kojih je svaka ova grupa u realizaciji planiranog imala unaprijed određene zadatke, a oni kao pripadnici podjeljene uloge u izvršenju zadatka, dok su u radnjama izvršenja krivičnih djela nužno bili međusobno povezani, pa je svaki od njih imao svijest i znanje o određenim zadacima drugih grupa i radnjama izvršenja krivičnih djela njenih pripadnika, pa su interesno s ciljem pribavljanja neposredne ili posredne finansijske dobiti u sastavu ovih grupa svi djelovali sporazumno i udruženo kao jedna Grupa za organizovani kriminal, te su tako sa zadatkom otuđenja skupocjenih putničkih motornih vozila ili onih čija je potražnja na tržištu povećana:

Muharemović Ognjen, kao pripadnici Grupe

[REDAKCIJSKI ZAŠTITNI ČRNI POLJE] zajedno s drugim njima poznatim licima, otudivali vozila na području Kantona Sarajevo, Tuzlanskog Kantona, Hercegovačko-neretvanskog Kantona, Zapadno-hercegovačkog Kantona i šire, na način da su koristeći ranije otuđeno putničko motorno vozilo tzv. "Borbenjak", na koji su prethodno postavljali lažne registarske oznake, ili drugo vozilo velike snage motora, često naoružani vatrenim oružjem, opremljeni kapama zv. "fantomka" ili drugim kapama kojima su prekrivali lice, te radio stanicama podešenim na službene policijske frekvencije kako bi u otklanjanju prepreka i neometanog otuđenja vozila mogli pratiti kretanje policijskih službenika,obilazili parking prostore, garaže i druga mesta na kojima su građani ostavljali svoja vozila, da bi pronalaskom odgovarajućih putničkih motornih vozila, upotreboru podesnog alata otvarali vrata tuđih motornih vozila, a potom ih upotreboru posebne opreme tzv."Dekodera" ili uz korištenje „Procesora“ ranije otuđenih vozila i na druge načine stavljali u pogon, nakon čega su uz pratnju vozila s kojima su dolazili na mesta izvršenja odvozili otuđena vozila na prethodno pripremljene skrivene lokacije na području Pala, Sokoca, Mokrog, Lukavice, Sarajeva i drugih lokacija na teritoriju oba entiteta, nakon čega su oni ili pripadnici grupe sa zadatkom iznudivanja novca za povrat vozila njihovim vlasnicima,

[REDAKCIJSKI ZAŠTITNI ČRNI POLJE] za novčanu naknadu vršili povrate otuđenih vozila, tako što bi od vlasnika vozila/oštećenih zahtjevali novac u iznosima koje su prethodno dogovorili sa pripadnicima Grupe koji su vozilo otuđili, pri tom im stavljajući u izgled da vozilo neće dobiti ukoliko ne plate traženo, da će isto biti prodato van Bosne i Hercegovine ili će biti rastavljeno u dijelove, ili su im se vlasnici vozila/oštećeni imajući prethodna saznanja o višegodišnjem načinu djelovanja Grupe, te znajući da do svojih vozila na drugi način ne mogu doći, direktno ili posredno obraćali sa zahtjevom za povrat vozila, a kada bi

preuzeli iznuđeni nočani iznos vozilo bi oni ili pripadnici Grupe koji su isto otudili, ostavljali na različite dostupne lokacije i o tome obavještavali vlasnike/oštećene, dok su vozila vlasnika do kojih nisu mogli doći ili onih koji nisu pristali dati novac za povrate otuđenih vozila, radi prikrivanja krivičnog djela, izvršilaca, porijekla i njihovih pravih vlasnika, prevozili i predavali drugim pripadnicima grupe [REDACTED]

[REDACTED] **Samardžija Slobodan** kao pripadnicima grupe sa zadatkom rastavljanja otuđenih vozila u dijelove [REDACTED]

[REDACTED] koji su na prethodno pripremljenim lokacijama, upotrebom brusilica, te drugih mašina i alata rastavljavali otuđena vozila na dijelove, pri tom uklanjajući ili mijenjajući identifikacione podatke na dijelovima vozila koji nose takve podatke, nakon čega su iste prodavali autootpadima i drugim licima u Bosni i Hercegovini i inostranstvu, ili su radi dalje prodaje otuđenih vozila u R.Srbiju, R.Crnu Goru i R.Hrvatsku, otuđena vozila prevozili i predavali drugim pripadnicima Grupe [REDACTED]

[REDACTED] **Samardžija Slobodan** koji su sami ili zajedno s njima, po prethodnom dogovoru, uz posredovanje ili zajedno s drugim njima poznatim licima, [REDACTED] prebacivali otuđena vozila preko državne granice – carinske linije, pri tom izbjegavajući mjere carinske i granične kontrole, gdje su vozila preuzimali pripadnici koji su djelovali u R.Srbiji, R.Crnoj Gori i R.Hrvatskoj, dok su novac pribavljen realizacijom planiranih i dogovorenih zadataka Grupe dijelili između sebe, pa su tako, a najmanje u opisanim dogadjajima:

1.

Muharemović Ognjen zajedno [REDACTED]

kao pripadnici grupe [REDACTED]

sa zadatkom otuđenja skupocjenih putničkih motornih vozila ili onih čija je potražnja na tržištu povećana:

1.1. **Muharemović Ognjen**

dana 15.10.2015.godine, u vremenskom periodu od 20,30 do 22,00 časa, na području Kantona Sarajevo [REDACTED] upotrebom podesnog alata otvorili prednja lijeva vrata putničkog motornog vozila marke Audi, model A4, [REDACTED] potom ušli u vozilo, te isto upotrebom tzv.“dekodera“ stavili u pogon, nakon čega su otuđeno vozilo, radi prikrivanja krivičnog djela, porijekla i njegovog pravog vlasnika, i dalje prodaje rastavljenog u dijelovima, prevezli putnom komunikacijom na relaciji Sarajevo-Zvornik, da bi dana 27.10.2015.godine, [REDACTED] policijski službenici SJB Zvornik pronašli navedeno vozilo;

1.2. **Muharemović Ognjen**

dana 15.10.2015.godine, u vremenskom periodu od 20,30 do 22,00 časa, na području Kantona Sarajevo, [REDACTED] upotrebom

podesnog alata otvorili putničko motorno vozilo marke Škoda, model Octavia, [REDACTED]

[REDACTED] potom ušli u vozilo, te isto upotrebom tzv.“dekodera“ stavili u pogon, sakrili na njima poznatu lokaciju na području opštine Pale, nakon čega su otuđeno vozilo, radi prikrivanja krivičnog djela, porijekla i njegovog pravog vlasnika, prodali cjevitno ili rastavljeno u dijelove, sami ili su to učinili drugi njemu poznati pripadnici Grupe;

1.3 Muharemović Ognjen

dana 07/08.09.2015.godine u vremenskom periodu od 15,00 do 09,30 časova, na području Kantona Sarajevo, [REDACTED], upotrebom podesnog alata otvorili putničko motorno vozilo marke „Audi“, model „Q7“, [REDACTED]

[REDACTED] potom ušli u vozilo, te isto upotrebom tzv.“dekodera“ stavili u pogon, nakon čega su vozilo prevezli putnom komunikacijom na relaciji Sarajevo-Pale, te isto sakrili na njima poznate lokacije, a koje su potom koristili [REDACTED] sve do dana 16.09.2015.godine, kada su lica [REDACTED], pronašli i prijavili pronalazak navedenog vozila;

1.4 Muharemović Ognjen

Dana 17/18.04.2016.godine, u vremenskom periodu od 19,00 do 04,30 časova, na području Kantona Sarajevo, [REDACTED] upotrebom podesnog alata otvorio putničko motorno vozilo marke BMW, [REDACTED]

[REDACTED] potom ušao u vozilo, te isto upotrebom tzv.“dekodera“ stavili u pogon, nakon čega su vozilo prevezli putnom komunikacijom na relaciji Sarajevo - Pale, [REDACTED], da bi dana 21.04.2015.godine, na navedenoj lokaciji policijski službenici Državne agencije za istrage i zaštitu pronašli navedeno vozilo;

2. Samardžija Slobodan zajedno sa [REDACTED]

kao pripadnik grupe sa zadatkom rastavljanja otuđenih vozila na području Sokoca i prodaje rastavljenih dijelova;

2.1 Samardžija Slobodan

u vremenskom periodu od 2012. godine do 08.07.2014. godine, po prethodnom dogovoru s pripadnicima Grupe koji su imali zadatak otuđenja putničkih motornih vozila, s namjerom prikrivanja krivičnog djela, izvršilaca, porijekla i njihovih pravih vlasnika, te prodaje rastavljenih u dijelove, **Samardžija Slobodan** zajedno sa [REDACTED] preuzimali otuđena vozila, potom ih odvozili na ranije pripremljenu lokaciju [REDACTED] ili su vozila direktno na ovu lokaciju dovozili pripadnici grupe koji su ista i otudili, nakon čega su zajedno sa [REDACTED], te drugim angažovanim licima, upotrebom brusilica, te drugih mašina i alata rastavljalci otuđena vozila na dijelove, pri tom uklanjajući identifikacione podatke vozila, da bi potom

izdvajali dijelove koji su pogodniji za transport i dalju prodaju, dok su s namjerom prikrivanja tragova izvršenja krivičnog djela, preostale dijelove palili i sjekli u manje komade, a zatim zajedno sa registarskim oznakama otuđenih vozila bacali na različitim lokacijama na području opštine Sokolac, nakon čega su izdvojene dijelove otuđenih vozila prodavali vlasnicima autootpada [REDACTED]

[REDACTED], ili su radi dalje prodaje po njih dolazili njima poznati pripadnici grupe koji su otudili rastavljena vozila, pa su tako na opisan način rastavili u dijelove najmanje sljedeća otuđena vozila:

[REDACTED] PMV marke Škoda, model Fabia, [REDACTED]

2. PMV marke Audi, model A4, [REDACTED]

[REDACTED] PMV marke VW, model Touran, [REDACTED]

[REDACTED] PMV marke Golf IV, [REDACTED]

[REDACTED] PMV marke Audi A3, [REDACTED]

[REDACTED] PMV marke VW, model Passat, [REDACTED]

7. PMV marke VW, model Golf A5, [REDACTED]

[REDACTED] PMV marke Škoda, model Octavia, [REDACTED]

[REDACTED] PMV marke Škoda, model Octavia, [REDACTED]

[REDACTED] PMV marke VW, model Caddy, [REDACTED]

[REDACTED] PMV marke Škoda, model Octavia, [REDACTED]

PMV marke VW, model Golf A5,

PMV marke VW, model Golf A4

14. PMV marke VW, model Passat 3BG,

PMV marke Škoda, model Octavia,

PMV marke VW, model Golf A5,

PMV marke Škoda, model Octavia,

PMV marke VW, model Golf A5,

PMV marke Golf, model A4,

PMV marke Golf, model A7,

PMV marke Škoda, model Octavia,

PMV marke Audi, model 8E,

PMV marke Škoda, model Fabia,

PMV marke Škoda, model Octavia,

PMV marke Škoda, model Octavia,

[REDACTED]
PMV marke Golf, model 1J,

[REDACTED]
PMV marke Škoda, model Fabia,

[REDACTED]
PMV marke Pasat, model WV,

[REDACTED]
PMV marke Pasat, model WV,

[REDACTED]
PMV marke Golf, model A4,

[REDACTED]
PMV marke Golf, model A5,

[REDACTED]
PMV marke Škoda, model Octavia,

[REDACTED]
PMV marke Golf, model A5,

[REDACTED]
PMV marke Škoda, model Octavia,

[REDACTED]
PMV marke Pasat,

[REDACTED]
PMV marke Pasat, model 3BG,

[REDACTED]
PMV marke Golf,

[REDACTED]
PMV marke Golf,

[REDACTED] PMV marke Pasat,

[REDACTED] PMV marke Golf, model A5,

[REDACTED] PMV marke Pasat,

[REDACTED] PMV marke Audi, model A4,

[REDACTED] PMV marke Pasat,

[REDACTED] PMV marke Pasat,

[REDACTED] PMV marké Golf, model A4,

[REDACTED] PMV marke Golf, model A5,

[REDACTED] PMV marke Pasat,

[REDACTED] PMV marke Pasat,

2.2 Samardžija Slobodan

dana 26.07.2016.godine, u jutarnjim časovima, nakon što su pripadnici Grupe iz Zapadne Hercegovine, sa zadatkom otuđenja putničkih motornih vozila, [REDACTED] dana 26./27.06.2016. godine, na području Zapadno-hercegovačkog Kantona, u mjestu Čitluk, [REDACTED] uzeli i prisvojili putničko motorno vozilo marke BMW 530 D, [REDACTED], a

potom isto po prethodnom dogovoru prevezli [REDACTED] opština Konjic, nakon čega je **Samardžija Slobodan** zajedno sa [REDACTED] u namjeri da otuđeno vozilo prevezu i prodaju u R.Srbiju, na parking prostoru na ulazu u Konjic preuzeli vozilo, a potom otuđeno vozilo prevezli putnom komunikacijom Konjic – Sokolac Rudo, na način da je [REDACTED] upravljao otuđenim vozilom, dok je na mjestu suvozača sjedio [REDACTED] za koje vrijeme je **Samardžija Slobodan** u ulozi tzv. „čistača“, vozeći ispred njih upravljaо pmv marke „Golf V“, [REDACTED] te vršio izviđanje putnih komunikacija, pri tom ih informisao o mjestima gdje se nalaze policijske patrole, da bi po dolasku na području opštine Rudo u blizini granice sa R.Srbijom, [REDACTED] izbjegavajući mjere carinske i granične kontrole, preko ilegalnog graničnog prelaza [REDACTED], prevezli otuđeno vozilo u R.Srbiju, za koje vrijeme je **Samardžija Slobodan** sa vozilom „Golf V“ prešao preko graničnog prelaza „Vardište“, nakon čega je koristeći opisano vozilo vršio izviđanje putne komunikacije radi neometanog prevoza otuđenog vozila na području R.Srbije do mjesta Užice, gdje su otuđeno vozilo prodali njima poznatim licima za njima poznat iznos, nakon čega su se sa Samardžija Slobodanom u vozilu „Golf V“ zajedno vratili u BiH, a potom novac od prodaje vozila podijelili između sebe i sa pripadnicima Grupe iz Zapadne Hercegovine koji su isto i otuđili;

2.3 **Samardžija Slobodan**

dana 16.08.2016.godine, u jutarnjim časovima, nakon što su pripadnici Grupe iz Zapadne Hercegovine, sa zadatkom otuđenja putničkih motornih vozila, [REDACTED] dana 30.06./01.07.2016. godine, na području grada Mostara, [REDACTED] uzeli i prisvojili putničko motorno vozilo marke Audi A5, [REDACTED], a potom isto po prethodnom dogovoru prevezli do [REDACTED], opština Konjic, nakon čega je **Samardžija Slobodan** zajedno sa [REDACTED], u namjeri da otuđeno vozilo preveze i proda u R.Srbiju, na parking prostoru na ulazu u Konjic preuzeli vozilo, a potom otuđeno vozilo prevezli putnom komunikacijom Konjic-Sokolac– Rudo, na način da je [REDACTED] upravljao otuđenim vozilom, dok je na mjestu suvozača sjedio [REDACTED], za koje vrijeme je **Samardžija Slobodan** u ulozi tzv. „Čistača“, vozeći ispred njih upravljaо pmv marke „Golf V“, [REDACTED] te vršio izviđanje putnih komunikacija, pri tom ih informisao o mjestima gdje se nalaze policijske patrole, da bi po dolasku na području opštine Rudo u blizini granice sa R.Srbijom, [REDACTED] izbjegavajući mjere carinske i granične kontrole, preko ilegalnog graničnog prelaza [REDACTED], prevezli otuđeno vozilo u R.Srbiju, za koje vrijeme je **Samardžija Slobodan** sa vozilom „Golf V“ prešao preko graničnog prelaza „Vardište“, nakon čega je koristeći opisano vozilo vršio izviđanje putne komunikacije radi neometanog prevoza otuđenog vozila na području R.Srbije do mjesta Užice, gdje su otuđeno vozilo prodali njima poznatim licima za njima poznat iznos, nakon čega se **Samardžija Slobodan** zajedno sa [REDACTED] u vozilu „Golf V“ vratio u Bosnu i Hercegovinu, a potom novac od prodaje vozila podijelili između sebe i sa pripadnicima Grupe iz Zapadne Hercegovine koji su isto i otuđili;

Dakle:

Osumnjičeni Muharemović Ognjen, kao pripadnik grupe za organizovani kriminal u smislu člana 22. stav (1) KZ BiH:

- pod tačkama 1.1.-1.4., obijanjem, provaljivanjem i drugim savladavanjem većih prepreka da dode do stvari iz zatvorenih prostora, tuđu stvar oduzeo drugome;
- pod tačkama 1.1.-1.3., imovinu za koju je znao da je pribavljena počinjenjem krivičnog djela-Teška krađa, držao, raspolagao njom, vršio njen prijenos i na drugi način prikriva njenu prirodu, izvor, kretanje i vlasništvo, a takva imovinska korist je pribavljena počinjenjem ovog krivičnog dijela na teritoriji oba entiteta;

Osumnjičeni Samardžija Slobodan, kao pripadnik grupe za organizovani kriminal u smislu člana 22. stav (1) KZ BiH:

- pod tačkama 2.1 imovinu za koju je znao da je pribavljena počinjenjem krivičnog djela-Teška krađa, držao, raspolagao njom, vršio njen prijenos i na drugi način prikriva njenu prirodu, izvor, kretanje i vlasništvo, a takva imovinska korist je pribavljena počinjenjem ovog krivičnog dijela na teritoriji oba entiteta;
- pod tačkama 2.3 i 2.4, preko carinske linije prenosio robu veće vrijednosti i izbjegavajući mjere carinske kontrole bavio se prenošenjem robe preko carinske linije;

Čime su počinili:

Osumnjičeni Muharemović Ognjen, pod tačkama 1.1.-1.4. krivično djelo organizovani kriminal iz člana 250 stav (2) KZ BiH, u vezi sa krivičnim djelom teška krađa iz člana 287. stav (1), tačka a) KZ FBiH, pod tačkama 1.1. – 1.3 krivično djelo organizovani kriminal iz člana 250 stav (2) KZ BiH, u vezi sa krivičnim djelom pranje novca iz člana 209. stav (2) KZ BiH;

Osumnjičeni Samardžija Slobodan, pod tačkom 2.1, - 2.3 krivično djelo organizovani kriminal iz člana 250 stav (2) KZ BiH, u vezi sa krivičnim djelom pranje novca iz člana 209. stav (1) KZ BiH, pod tačkama 2.2., i 2.3., krivično djelo organizovani kriminal iz člana 250. stav (2) KZ BiH, u vezi sa krivičnim djelom krijumčarenje iz člana 214. stav (1) KZ BiH.

**TUŽILAC
TUŽILAŠTVA BOSNE I HERCEGOVINE**